

嘗讀西漢游俠傳魯人尚儒惟朱家以俠聞長清在漢濟北地面控秦岱右挾滄海與魯封犬牙相入今朱氏世為長清黃山里人家故饒財急難喜施世不之人豈朱家之遠裔乎且我聞為國之正臣豪俠乃鄉土武斷其懿遠匿志雖習俗使然彼風聲氣概尚桓而越事也如是非來之遠積之厚其流胡能若尔而淵者澤仍系之以銘銘曰

天生五材闡一胡可孰能去兵芟夷繁夥繫朱氏先其來公魔三世在田醫而罔墮加以孝友勤儉克荷迺暨仍孫例生炳彪負隅而竄風塵與會雲雷解屯撫定齊魯于桑干耘蕩一江吳席卷鯁衣會歸一原

張本楫存三世為將道家所忌惟殺不嗜能永厥世偉曹惠武仁而且智臨陣慷慨劉鏐川居當平時蟻封謹避倘存是心榮將何害萬器雖階功成而泰於戲朱氏戎銘常佩匪惟光昭惟以是誠

絳州重修夫子廟碑

絳為州甚劇其地蓄河山之潤總六縣以三萬戶為河東冠俗剛儉尚氣義奄焉有三晉餘習州治民廬高下履歷蟠踞枕跨崗陵是依獨

夫子廟學據城之東北隅爽朗夷衍奠澤宮甚宜而素汾北來盤折容與帶郡城而西望之一泮水然廢撤既久莽為榛墟速州將履澤郭公來始圖興復遂起大成殿泮宮門各三楹甫朽棧而公卒漠然狼

籍者蓋三年于茲噫將有待而然邪至元九年秋奉  
議馬公來尹斯郡既謁告願瞻咨嗟閱夫垂成之功  
日就彫剝乃以完故益新為任於是完正殿壯臺門  
創兩序凡就屋五十餘楹層棟軒翬墀陛整削松栢  
有烏碩碩其庭中設素王像以顏孟十哲配侍左右  
東西兩廡繪六十二子及大儒二十有四袞冕皞裳  
峨峨奉璋奎璧輝映煥焉有光頌既成適選舉今下  
士子來歸洋洋滿岸既而衆議以州之治化及民者  
非一其大者著者可無聞於后来謁文於余因勉為  
撰述且寓夫予之所感焉嗚呼三代之治道莫先於  
教學無重於育材材弗育則用之其人民失化則不  
明乎善善不明則民入於僻民蕩於僻則幾何不為

禽犢也哀哉欲求吏之良政之善胡可得已若夫天  
地網緼山川開闢蟠精萃靈非有今昔醜醜之間人  
之秉彝具存天之生材不乏然氣之不充俗之不美  
者特以教之無素養之未至耳今

國家崇聖道開化源建辟雍於京師立學師於鄉遂  
崇本業者復其身鳴一藝者無不庸是則大易人文  
之化著莪樂育之方靡不備至奈何吏治者鮮推其  
本以簿書獄訟是務為士者不思根極聖道以大學  
自任區區從事於章句之末是不副上之所求所望  
焉而曰道不明秦無人也宜矣尹早以學術侍彤庭  
壁臺閣孰其然故下車之初首事學校作新士民耳  
目至成就若爾可謂能也已尹諱某世郡人既書其

興建本末而繫之以詩其辭曰  
厥初生民秉彝昭融物慾外迁良心蔽蒙於鏖元聖  
乃大有覺何効何則而先乎學于嗟叔世降及漢唐  
道統湮微締文繪章士驚空言吏昧厥治朝夕孜孜  
匪不磨勵科學異端薄書期會愚者不及淪於自棄  
聖不世出發越道源杞棟虛文浩浩其天廟宮之建  
序庠是宣穆穆睿思意茲在焉而吏而士尚克勉旗  
盤盤闕宮完固益新馬公之功本既立矣道由生矣  
眎為籛羊乃予之耻

秋澗先生大全文集卷第五十二




秋澗先生大全文集卷第五十三

絳州曲沃縣新修聖廟碑



曲沃縣學舊矣始完於宋嘉祐初盛於金泰和間貞祐之兵蕩焉無餘前政苟訛初不遑卹園蔬興感薪刈其下者幾五十祀迨至元己巳邑尹石掾公慨然以圖復為事工垂構而去尹侯薄賈天衢相與頷嘆曰蕭武弁能事烏可不卒其美然澤宮故地卑陋湫隘不足奠安神觀聳邦民瞻相治城西北陬勢夷且爽遂增崇前規而啟其禮殿焉既落成董事者許良等感蕭君經始之勤今政贊終之善來謁文將刻石廟庭俾遺名於孫曹諸賢之列用垂示來哲竊不自揆敢以聖道之隆污廟學之本末互陳而歷告之三



代之世家有塾黨有庠術有序國有學以師以令肆  
後造其中時書歲考小大有成然後賓而興之其典  
則六德六行其藝則禮樂射御書數然不可不思其  
所自故守學釋菜奠幣于先聖先師示不忘本也彼  
朝夕見聞無非智仁聖義忠和孝友睦睦任卹之方  
允邪說設行放蕩僻異之術非可輔世教明人倫者  
率屏絕不容髮其間故三代道出一致有學而無廟  
周襄王者迹愆生民不被庠序之教天理蒙昧心喪  
厥守異端百家之說乘隙並驚不無厖雜墜底之蔽  
此太史公讀功令未嘗不廢書而嘆也及漢興學館  
林如鴻儒繼作師傅業受學古蒞官守其說而不易  
故謀王躅斷國論一以經旨為據於時公卿大夫士

吏文學氣節雲蒸霧散彬彬然幾三代之風何其盛  
哉此無佗聖道明而百家自息也迨晉魏隋唐以來  
慕高尚者以虛無為宗干利祿者以科舉為業其視  
窮理正心修己治人之道罔不知為何事時則三物  
之教弗明于上先王之澤不及于下單為廟祀尊孔  
氏而王之三代教育之實泯泯掃地矣所謂有廟而  
無學間有卓越特達之士出芟夷浮學羽翼聖道為  
任然莫能極起其弊而全濟其溺者何哉蓋道之隆  
污學之盛衰一繫夫王政好尚而為之有無也嗚呼  
三代吾不得而見之得見兩漢斯可矣今  
國家昭至德建民極勸學設農崇化勵賢凡可以風  
四方而開太平之基者靡不具舉故經明行修之士

往往賓興

天府擢位卿相以心正意誠國治天下平之道已嘗佐天子而理百官矣士之不志于古則已苟志于古舍斯時之易將何所求所待焉曲沃自昔以劇稱土腴物阜為絳諸縣甲俗剛儉力穡尚氣義憂深思遠奄焉有唐晉餘烈尤不可後者教也本流立矣道由生矣師帥者能仰体

上之所嚮以明倫實教作新士民耳目俾知所以學異時人材輩出哉哉然迨兩漢之風孰謂不張本於斯邪不然釣米華名為餼羊告朔之所吾不知其可也銘曰

維晉曲沃以劇稱絳山左戒汾右傾山川開闢氣上

蒸風俗勤儉餘剛稜邑居萬家業有恒既富而教迺世程嗚呼庠序教所生石君作尹追良能奉宣德化根以誠

清廟起廢功勃興心計首至經載營惜哉垂構任遽更後人繼之卒有成方華古礎排巨楹文穰藻棟浮雲蒸相前增崇尤克承教基鋪敷道日弘春風隱耳絃歌聲始謀贊終匪自矜吏民懷感恩以銘我詩刻石碑廟庭

平陽府臨汾縣重修后土廟碑

平陽府治之西有鄉曰晉源帶汾河表姑射林墟桶比泉流交貫無寸壤閑曠山霏夕景杳靄如畫故河東稱膏腴勝壤之地于斯為最風俗率勤儉盡地利

憂深思遠有陶唐之遺化焉用是富庶而事神報本  
之礼尤恪歲時單出惟恐居後宣終歲之勞一日蜡  
者之意歟

后土祠其來浸邈蒼烟喬木輪囷離披已百餘年物  
也兵燹來雖正寢帶然日就蕪圯里中父老某等聞  
其若是乃諗於衆曰吾黨仰滋天休取足厚載歲比  
豐穰人用樂胥可不知其自耶今神庭未脩不足安  
靈揭虔其謂我乎咸敬懼聞命相與經畫起廢完故  
益新智者作其謀富者資其用取材于河陶甃于野  
礪礎于山然後工者輸乎巧壯者服其役營務既興  
先後有序於是繚重垣建臺門作重寢列兩序樹庭  
屏允三十八楹丹刻翬飛輪煥離立其配侍法從之

屬旋燾儀衛之數金碧爛爛森布左右莫不畢備遊  
人過客載瞻載儀溪山草木亦為動色凡費泉幣僅  
萬足既落成其人等以禮幣求文於予將以幽贊神  
明紀夫廟貌興衰之自謹按汾陰后土祠乃魏鄭丘  
之制其典秩華縟肇於漢武元鼎行幸之初千載而  
下令人歌秋風之辭咏汾陰之曲想夫逆樓舡濟汾  
千乘萬騎威靈震赫回旌駐蹕躬祀睢土祈穀報  
功於是乎在故歷代因仍以為聲明盛事曠古當然  
之典是則崇奉者

國家之事非齊民所得擬也以理究之神睢者即有  
國之大社而社者自天子至於鄉遂皆得置而通祀  
第禮制節有隆殺之異尔况土為神廣大博厚無窮

所往而不在又汾陰在晉為屬邑以茲為離宮異館  
神游美報之所其誰曰不然嗚呼三代已降教化衰  
而禮樂廢祀樂廢而祀典亡林林總總之民物則既  
戕心惑所向有射利徼福而已故祀其類僥倖千萬  
一者胡可勝數哉今冀方之民獨能敦本返始奉所  
當祀俾歷世相承之俗敬共誠潔永永是尊以答高  
廩無疆之休較夫淫祀野祭者可謂知所向矣乃為  
作送迎神辭春秋報歌以祀云其辭曰  
汾流兮容與林葩兮縹組被汾兮一曲坎坎兮擊鼓  
薦瓊芳奠桂醑俟神來欣樂昏兮菲菲兮滿堂偃金  
枝兮翠羽報神德兮德何溥

右迎神

淡林兮山烟乘回風兮雲輶神欲旋兮何邁奄上  
社兮朝元眾紛舞兮羅拜欲神留兮無言望極浦兮  
渺渺愁予目兮娟娟神駕我祐兮歲有年

右送神

解州聞喜縣重修廟學碑銘

堯舜用道以治天下孔子任道以垂萬世其所以明  
倫建極論政造士述悅遠懷者不外夫術有序國有  
學而已後之君人者思欲化隆唐虞坐收瞞易之道  
舍夫子之教將安法歟我

國家尊師重道明德新民風動海寓爰自京師達於  
郡邑卿遂率建教官勉士以德趨民於學其比隆致  
治之意固云極矣而承宣歌舞寔守令之責是則道



生之本教始之基其可後而聞喜在秦曰左邑桐鄉  
迨漢元鼎間始易今名其為縣浸董澤奠鳴條雄盤  
遠帶風土夷沃通晉走蒲古為咽會名卿碩德代不  
乏人顧山川之氣鍾靈萃秀必自人文德化薰陶涵  
浸者爾縣廟學舊矣枕城之良隅地勢穹窿如神龜  
負圖背露淵水蒼官蒼蔚環列庭祀秋煙古色望之  
儼然皆數百年物也按廟碑由宋迄今率是邑者增  
崇非一故制度宏麗甲於諸縣迂革以來神棲碑屋  
幸脫煨燼然歲年綿邈人跡罕至浸淫于壤藂草棘  
而宅狐狸蓋有年于茲至元己巳從仕郎張君來尹  
是縣首以營治為任既而監縣事晚台簿司天祿佐  
史劉瑞爭出廩料資所費而濟厥媿如榱棟榭櫺之

傾腐者甃甃階陛之決裂者舉易而新之復起講肄  
之堂齋廬之位至于神門庖庫畦圃游息之所莫不  
畢備用十年春二月釋菜祀告成厥功百年帶觀頤  
還於舊粵明年春史劉瑞介汾西前尹王延年持溫  
國文正公學記踵門而請曰不曠故邑猥致力于鄉  
校功甫僉而尹適去烏可俾上官之善競焉無聞於  
後以職以分瑞也寔任其責擬揭諸麗石以告來哲  
不肖素陋於文以懇請堅切辭不能已敢勉為書之  
又竊喜幸得列名於司馬公之下風固所願也尹晉  
州臨汾人諱仲祥資明良果於從政故其為善卓卓  
有成也如是較夫從事於簿書期會之末者不曰有  
志於本知教之所基者欤誠可敬也已其辭曰

維漢開喜古桐鄉東浸董澤南條崗千年喬木殊烟  
蒼廟宮盤盤枕良方平時絃誦溢兩庠代不之賢  
古明良如儉顯魏度相唐風雲感會龍虎相至今德  
業何昭彰神居雖存地土荒蒿萊没人狐兔藏風雨  
穿漏摧棟梁張君下車心慨傷首以管治如弗違同  
寮見義為贊襄咨嗟吾道百孔瘡賴還舊觀蔚有光  
齋廬有室講有堂我南走蒲過此邦親覩盛事思傍  
徨吾儒有例善則揚作詩宜惟示不忘士民向化此  
本張鳴呼廟碑古甘棠

衛州昨城縣靈虛觀碑

昨之為邑久矣昔周以黃帝後妣姓封此是燕國至  
秦廢燕為昨貞祐初金馮南遷竟河為界建帥府宿

重兵繫浮梁院為汴京北門歲壬辰金人撤守天  
兵徇取之明年京城大飢人相食出逃死北渡者日  
不下千數既抵河津人利其財賄率不時濟孳死風  
雪間及已濟而沉溺者亦無慮千百數時全真教大  
行所在翕然從風雖虎苛狼戾性於嗜殺之徒率授  
法號名會首者皆是也師時在衛目其事愀然嘆曰  
人彘殺機一至於此邪吾擘舟而來正為此耳茲焉  
不化安往而施其道哉遂稅駕河上起觀距城之北  
墉曰將以此道場為設教張本之自於是仁風一扇  
比屋回心貪殘狼戾化而柔良津人跋俗悔禍徵福  
於門者肩相摩而踵相接矣出焰燎原撲殺心於已  
熾慈航登岸夷天險為坦途由是而觀非好生大德

洽於人心者其能若是哉師一日晨起集大眾謂曰  
吾學道有年所得而為心印者一與虛而已昔之得  
一者天以之而清地以之而寧神以之而靈又云致  
虛極守靜篤萬物並作吾以觀其復惟其虛則能靈  
靈則自虛矣且天地虛而亨毒之妙日月虛而盪照  
臨之光山岳虛而蒸雲雷之變谷神虛而通天地之  
根致虛而要其極不過煉精守寂除玄覽耳故得  
心善淵居善地因題其額曰靈虛二三子其敬奉吾  
教且曰大德不德今業蕞之家十饋其八九吾不可  
久於此明日遂行自是風聲教習大被於河朔矣師  
諱仲美秦元月山人年三十弃妻子入道師浮山碧  
虛子遂盡得真傳深入性窟故為大宗主推德分掌

玄教於終南祖庭者逾三紀焉生平以濟物為本事  
具重陽宮碑茲不復云歲丙午  
詔大醮京師預焉既受釐特加師玄微真人號且即  
膺室冠霞帔之寵世以酒李先生行云甲寅夏六月  
羽化於燕之長春宮及西歸門人啓柩顏色如生冬  
十有一月扶護至衛門徒王志安等以縑經成禮醮  
祭之夕朔風震屋將濟河即止吁亦異哉后十有二  
年志安等圖為不朽用光昭師德遂以禮幣來謁曰  
先師教之所及師之所在也然過化存神興修道宇  
之自無文以詔來者責其誰歸吾子屬列太史卿粉  
盛事幸為我論道之敢再拜以請僕儒家者流道不  
同不相為謀獨嘉其尊師重教推原知本其篤信有

如此者故略為序說云全真為教始以修身絕俗遠  
引高蹈冥寂山林如標枝野鹿漠然不與世接此其  
本也終之混迹人間輝煥泥滓以兼愛濟物為日用  
之妙其混沌民之風邪不然天命之性有物有則藝  
倫一叙終不得而蔽之邪如長春丘公在 先朝時  
皇帝清問首以治國保民為本其利亦云博矣今觀  
玄微李公處身行己若易地則皆然爾於是乎書且  
為門人作詩追遠仙遊以極遐想之意渺渺帝卿乘  
白雲而何在依依玄鶴抱黃石以空悲其辭曰  
道之大原出於天柱史首探玄中玄後人依假土苴  
傳刺口論說書百千祈穰服食金鼎鉛樓居紫青致  
蓬萊全真獨挾龜王筌只以方寸為福田七子大鑿

疏河源龍章鳳質炳後先風聲波動東海嶽李公躍  
出秦月山天稟至性虛靖專一物不獲乃我慙黃流  
洶洶翻鯨鱣貪噬一世出飢涎汴人脫元來膠血葵  
之尔腹誠可究先生有道光日躔手覆醉袖敗履穿  
鱣牙笑拔鬚為編濁波吹破為澄淵遺黎北渡賴以  
全功成不居世愈賢超出物表冥鴻翮十年喬木鬱  
紫烟以靈揭宮舍至言頭頭具道道眼圓伐柯既柯  
開蒙崑門人奉行周且旋如入鄭圃居漆園至今遺  
照無微邊皎焉靈臺霜月懸黃鶴一去不復還終南  
太華空巍然山中瑤草春芊芊何時真遊來羽軒赤  
霄望入崑崙顛我詩刻石不可讓用作華表歸來篇  
總管陳公去思碑銘

至元三年

朝廷以衛之六城為先大王分邑許就設監郡啟  
府治跨有鄆邶復為河朔一路是年夏四月河南尹  
陳公承

命分虎來蒞此邾先是衛併于懷前守之良法美政  
班班具在然連率遠控者壯洋而未之悉子弟資授  
者侵欲而無所顧不替年法防徂弛群小氣橫民遂  
廢屎公知其然思有以拊循振濯扶剔姦蠹一新厥  
民既視事乃緩其急張不為小惠特以大體從宜處  
約率以身先之及前規舊法者仍遵而勿失於是案  
簿勢者并之而有綱公吏聽者肅之而趨事教條既  
周小大得職時自春及夏暎不兩秋種未穫公曰龍

無所上無以副朝廷古文之意下何以啓吾民向善  
之心遂大起孔子廟內外具瞻克壯於昔諸生執經  
咸得依仰既落成有芝產殿梁連莖秀暎童童蓋如  
僉謂邾君誠敬所致由是而觀其於事神治人亦以  
至矣公尤辨於先事有方臨機應變用儒飾吏聽訟  
以情理明氣溫推見至隱卒齊之以禮不知銘甯桁  
楊為何物故冤者抑者每有所伸強者暴者日安馴  
服至相戒曰陳公明良不容奸欺吾不可以過聞由  
是人興禮讓風化大行蔚照為諸道帥朝廷嘉其  
能擢充山東東西道提刑按察使既趨裝吏民祖道  
填郭溢郭炷香而頂構絳而門徒竊垂羨感用伸  
願借之心至有攀轅遮道不忍使去者既乃衛民懷

思不忘求文於余予以鄉國盛事敢勉為論讓之愚  
竊觀西漢之名臣如黃穎川劉東海之為郡而能績  
用章章者皆由明允為誠遠懿厥德故所居民愛所  
去見思况公自明而誠勤強練器以道自信所謂推  
忠及物衆瘼自蠲懷我風愛永戴遺賢者也且為吏  
民作詩庶幾紹甘棠之遺音以永衛人無窮之思公  
諱祐字慶甫世為趙之寧晉人其詩曰

維古作牧紛治偁西漢具載循與能趙張固猛德不  
勝抃時沸炎多創懲漢家三尺世有程下昧所守徇  
厥情一得千失例不經陳公為邦大厥祿三年撫字  
猶鮮烹頑則伊教孰汝刑孰中以權適重輕吏畏民  
愛政迺平會歸其極誠與明吁嗟七月政報成載其

見而奪其可後乎乃齋居禱蒼山祠下車甫還甘澍  
需作閭境沾足秋乃大饗既而監郡公聿來視師為  
人詳靖明惠樂於為善一見公歡然如平生其承宣  
注措云為之意吻與公合此倡彼和如響之應聲及  
其倅王君文幹簡重諧讓以之贊副會歸政成化洽  
而已用是德風草偃翕然稱治初共之西營幕習不  
法侵漁無時民苦之公以理將命遂折其頰牙來就  
約束又以毒民莫盜賊若乃下令屬邑曰今而後若  
輩一污記籍者以類別如農者畎畝商者市歸俾督  
之營務以恒厥心時視其勤惰懲勸之果終其任悉  
後輩不二為致控犴屢空時熙春撤木萬計當浮御  
以東陸輦之勞汴衛兩集其事公曰汴大衛小役與

之將民將不堪力請於上竟以汴輸之河漕且遣軍  
士三百整桴而下我止壅遏水勢而已無幾治甲令  
下頗急官易牛革鄴道例配科民間以辦農至解耕  
牛以屠猶有不堪其輸者公曰不可遂一易於市既  
而衆相率相謝曰晚東鄰之禍者繫明府是賴於是  
田里盡樂安之農暮夜有不扃之戶矣殷太師比干  
墓在部內祭秩久替公請於

朝遂載諸祀典時秋陽再躡驛亭之夕大雨越明年  
二麥倍常噫亦異哉及再暮政平訟理民安吏法一  
日謂監郡公曰夫政以風俗為先俗以教化為本今  
國家文治熠興百廢具舉牧養元元日就富庶教所  
未至寔我之責矧衛古稱多士今者春秋釋菜享獻

清淨民教寧里門夜浴深春耕而暢時若歲屢登何  
以教之序序興春風弦衛六城槐陰幄帳掩訟廳敬  
園靡無人秋草生高軒北來障緹屏翩翩振鷺朝  
天庭郡民祖帳續旆旌昔何來暮今遽更漢民借寇  
我蒙務我則不獲心乃榮使君雖遠德日馨彼風俊兮  
我佩銘願公壽福川方增坐之廟朝調鼎羹流惠載  
使邑里清我詩刻石亮有徵千載擬媿甘棠聲

平陽府初建靈應真君廟碑

玄黃判天地闢闔足斷四極立而陰陽五行之精上  
為經星恒宿環拱經緯斡化機而成歲功真武蓋北  
極之鎮宿也端虔玄宮赫睨四部在昔王者圖形旗  
旒以肅擁衛之儀道家取制爰設神像蓬勃其黑靈

焉若夫振綠髮提於將履玄冥縮元氣也被玄衣裘  
屬甲戴雲旂耀武德也靈虺穹龜踴躍前導取形似  
而從陰類也復役丁甲六神鳩指陰兵備將佐也廟  
而貌之于以填方域祓不祥而來福祐故在在奉祀  
以謂 天神之尊極者焉我

國家運開龍朔

帝發其祥京都之建神特顯化焉遂先啓應宮用彰  
靈貺矧齊民敢後其黃秦哉冀都真君擅其來久矣  
先時府莊岳間有閣巍然山峙設四聖像於其上神  
奠其北戶焉西廂豪右貿易綵幣市集宇下春秋奉  
香火甚恪里俗種祠用為故事厥後傑觀雖火禋嚴  
之禮藏於人心者耿耿固在歲丁亥故老董威霍斌

等顧相諗曰吾儕事神之心既不以閣之興替為有  
無然俾神明棲格無所謂揭虔安靈可乎於是與趙  
常柴邢凡七族共輸私財得地於平陽里起正殿神  
門社賓之位庖福之所凡十有三楹莫不攸當神儀  
法從光怪絢爛馳雲擁陟降自空內外具瞻光動  
里陌後十年丙子里社程政等以前人興建本末不  
可使無聞於後且恐歲月綿遠祀典湮微乃介叅軍  
屹滿君用來謁文於予將揭諸覆石以告來者且知  
廟之所自予官晉四載間稔其風聲氣習思深而好  
礼尚儉而隆義奄焉有陶唐遺化故幽明兩間各盡  
所事若東里之曹相國西郭之霍博陸南遂之帝堯  
祠是皆敬其人神有德於民也是祠之建前倡後繼



不憚服賈之勤歷年之久臻其成就若尔可謂富而  
好礼敬共神明罔墜休聲者哉至于馳厚薄之差時  
饗罔行之次具列石背又見隆義向化所悅者衆云  
仍繫樂歌用伸幽贊其辭曰  
列象蒼蒼罔天縉經玄枵之次虛危之精羽林北落  
廩焉神兵奠我邦家衛群生兮奕奕新宮士民之功  
遠彼翬闕極夫尊崇神旋肅敬景氣蔥隴風馬雲車  
歲時來同兮神維來降冷颼先颼應鼓田田悲蕭洞  
盪紛進拜裸袒老將將洋洋如在上有物蜿蜒來酌  
粢芳芬滿堂神人暢兮神鑒孔明我民之誠旂麾下  
拂風雨攸寧攘除祲災木來庶禎介我繁祉時和歲  
登種祠罔替繼繼承承永垂其休聲兮

重修孤竹二賢廟碑

首陽山孤竹二賢祠肇建於李唐增隆於前宋金貞  
祐末為戍兵撤而燬之國初郡人徐帥因廢基而屋  
焉後四十載當至元九年玄默歲某自御史裏行來  
官河東以是年冬十有一月按部至於蒲坂適致祭  
令下遂齋沐奉祝祇拜墟墓庭序蕭繫路寢傾圮遺  
像黜昧彫剝就滅於戲前政之不舉至於斯邪非惟  
不稱 明詔尊顯風烈之義而大懼不職下隕教條  
吏隳不恭惡可徇狃於是祇會屬吏作新是圖資聚  
既營衆工趨事仍命府掾長吳舉董治厥役改新肖  
像以儼神儀迨明年夏五月復行縣次蒲吏告訖功  
同六月丁亥躬率僚屬以少牢之奠敬安神棲帶河

表華新宮敬然山烟庭木奕奕動色守吏不任之責  
庶乎其少塞矣知府楊君寬請書其事于石以詔來  
者噫二賢聖之清者也其出處大節求仁本心與懦  
厲貪之搖息邪懼亂之功孔孟稱之詳矣揭若日月  
亘終古而不熄小子其敢擬之然讀黃太史所述去  
國諫伐蓋宗國有不說好事者為之說耳竊有所疑  
焉若曰非讓而逃國人惡而逐之烏在其為賢也且  
以避紂不有其位孔子何為稱求仁得仁子貢何以  
子不為至於義抗白旄耻食周粟亦謂事不經見滅  
衛君乎衛君乎哀伯何獨稱武王克商義士猶或非之不然二賢者  
北自海濱聞善養來歸當周命維新明義崇德之世  
不知俯仰何所愧怍僵培於茲山之下乎故持表而

出之必有能辨之者仍為蒲人作迎享神辭俾歲時  
敬以祀焉

瓊靡潔兮蘭馨錯薇蔬兮薦神庭條之山兮河之水  
迴風蕭蕭兮波淞淞神之遠游兮遂何歸南叫虞舜  
兮帝禹與追以暴易暴兮吾知其非 國極所欽兮  
祀典載熙槃非周粒兮桂酒芬菲民之載神兮清風  
庶幾偃迴旆兮入室陳鐘鼓兮載考載擊千秣兮萬  
歲於焉兮永息

故普濟大師劉公道行碑銘 有序

晉州景行里有觀曰玄應其徒謝志堅梁志端介寓  
館主謝純踵門來謁而告予曰先師純熙子化形已  
久今雖像而事之其平昔道術及於人者班班可紀

然非文之貞珉無以示來者而傳不朽明府嘗列官  
太史六家之旨所宜論述也敬百拜以請謹按所持  
狀師諱志貞字子常族劉氏陝之三堂人幼沉潛不  
好弄及長趣尚冲曠嗜黃老書遂棄家入道既而尋  
師來晉止寫玄都宮與方士韓仙翁遇傳寶珠照法  
覺靈府悅悅日有啓悟歲己亥披雲宋公首暢宗風  
力紹絕學起道藏書於河汾間師幡然喜曰此人天  
師也吾皈依有所即執弟子礼事之受紫虛籙訣香  
火修持晨夜不少懈宋帝其志後以上清三洞五雷  
籙法畀焉師操履益精勵神經怪牒大膽冥奧氣志  
既凝洞知來物簪裾所加法力所至疾痛呻吟隨失  
所在中外宣播以靈異稱今

聖上邸潛時聞其名遣使召至試以籙法三驗諸事  
遠迹幽深靈應昭著時既雨且風勢幾恒若命師以  
誠祈止少頃豐霑回御蜚廉為不殿矣

上異之賜御醪仙釐加號普濟大師特光寵焉留館  
堂下以需時召自是道僧隆隆風動一時矣中統庚  
申冬詔就長春宮設羅天清醮師攝行大礼凡七旦  
夜神人和暢且有天光現朗之異

上聞之喜甚咸謂師精誠所致明年秋奉 旨馳乘  
祝音岳瀆事已還過故隱語志堅曰吾雅性僻逸  
恬於世味偶以燕術供奉 闕庭恩遇優渥已渝素  
分物微近盛吾道家所忌遂謝使者而輟裝焉後復  
來徵竟辭疾不起以至元 年夏五月終所居文室

壽六十有六師半儀秀整面滿日紫髯垂脰條然有  
獨立塵之趣接物不以貴賤易其禮度人之有疾出  
若己受之推誠濟物惟恐不力時人以此多之予嘗  
以道家者流以清寂為宗一死生外形骸自放於萬  
物之表是不以一毫世故櫻拂其心至於挾方術出  
袂藝採時行道者世有其人如砥削膏盲豈逐鬼物  
驅役社翁安人驅而遠不祥往往驗於事者蓋世所  
不廢也普濟師其斯人之徒與較夫遺世絕俗歸潔  
一身自放於萬物之表誠法教中有裨於世者耳且  
以費長房 訓子事猶傳於東京方伎之列者師之  
行業出處又足嘉尚吾烏得而辭哉仍繫之銘詩庶  
幾門人歸來望思之意其辭曰

大河湯湯南紀蒼蒼而戒勢分爰自陝疆蓄潤縉精  
萃於三堂篤生異人孕氣之良截然入道濟物為方  
山立髯張劍佩煇煌霆轟暗室星壇夜光玉鈴金紐  
呵斥不祥隱若勅敵陰魔道降四十年間玄門之綱  
鶴馭仙去白雲帝鄉何謝世兮已遠顧其道而弥光  
嗚呼劉根術驗而不及物長房及物而鬼所殃我銘  
勒石孰為短長庶十年而語華表見門人之涕滂

秋澗先生大全文集卷第五十三

秋澗先生大全文集卷第五十四

碑

大都復虞帝廟碑

幽陵之祠虞帝所從來綿邈廟據金故苑西北維兵  
 後廢不治獨唐貞元間復廟碑宛在于額真卿人屢欲  
 易去馨焉以它用主者心恟况若有微動迺已厥後  
 道士陳志玄直廟西百舉武起真陽觀為長春別院  
 復購焉約不犯元刻用石背勒馨建本始備力來徙  
 碑跌與圻身挺植重不克舉仆道士惕息馨折向碑  
 祝曰今神顯思若是願置安處且遠荒穢尚敢他用  
 以贖聖靈神惟降鑒庶畢茲志安載而去吁亦異哉  
 初樞密趙公良弼嘗建學宮於鄉縣永志玄為工師

國家圖書館, NATIONAL CENTRAL LIBRARY, TAIWAN. R.O.C.

秋澗先生大全文集卷第五十四

碑

大都復虞帝廟碑

幽陵之祠虞帝所從來綿邈廟據金故苑西北維兵  
 後廢不治獨唐貞元間復廟碑宛在于額真卿書人屢欲  
 易去馨焉以它用主者心愴况若有微動迺已厥後  
 道士陳志玄直廟西百舉武起真陽觀為長春別院  
 復購焉約不犯元刻用石背勒馨建本始備力來徙  
 碑跌與圻身挺植重不克舉仆道士惕息馨折向碑  
 祝曰今神顯思若是願置安處且遠荒穢尚敢他用  
 以贖聖靈神惟降鑒庶畢茲志安載而去吁亦異哉  
 初樞密趙公良弼嘗建學宮於鄉縣永志玄為工師

國家圖書館, NATIONAL CENTRAL LIBRARY, TAIWAN, R.O.C.

既迄功以徙碑事蹟來告公曰嗚呼噫嘻皇乎休哉  
惟帝明德萬古是式况奠土茫茫析而為幽州者帝  
之所經畫宜乎燕人享祀不忘廟屢廢而旋復也又  
遺碑蕩然自唐歷五代遠金當

大元戊寅凡五百有餘歲神物護持俾勿壞汝婦興  
復之責不在師乎志玄曰唯卽以道宮丕構作新廟  
而奉黼衣焉既而趙公將志玄之懇以復廟記見屬  
某拜手稽首而颺言曰日月星辰帝文明也君臣父  
子帝彝倫也山川風土帝疆域也是則聲教所暨魏  
魏乎與天地同休孰能名而能報哉今志玄黃冠師  
因趙公一言而復數百年之舊俾來者瞻天統日知  
慕帝德如蟻之赴膾可謂推原道本敬其所當敬乃

知天理之在人心者曾一息而間斷邪至於稽古樂  
善因機就功毗贊

皇猷思成比封之美又見趙公事君治民孳孳焉  
以克辨之道存其心者也誠宜持書以詔來哲仍繫  
樂章使都人歲時祀享登以歌焉其詞曰

帝降諸馮東方人兮幽幽深山鹿豕群兮耕稼陶漁  
至為帝兮風動八區丞乂一兮矧惟析津帝經制兮  
物不苦窳化土泥兮聖靈在天濡鴻私兮阜財解愠  
南薰時兮鳶飛魚躍日用而不知兮風移俗變天理  
存厥彝兮燕人懷思歆明德而祀兮八音廷陳鳳來  
儀兮九疑雲深望何依兮我賡九歌言匪室兮皇天  
降衷克綏惟帝聰兮惘彼下民中庸其鮮克兮嗚呼

胡能一天下之慮允執其中兮

大元故中奉大夫浙東道宣慰使陳公神道碑

銘 并序

士有奮身常布作時蓋臣志足以有為材足以應變  
氣足以克守學足以明義毅然以致君澤民為己任  
雖固獲克畢厥志不幸而罹患難猶能挺樹名節勵  
薄俗於當年激清風於未代古難其人今於宣慰陳  
公見之矣公諱祐字慶甫世家趙之寧晉為人固窮  
尚志好讀書耻陸黜譎混泥運間癸丑歲以藝能應  
穆王府辟一見而列侍從官公勤勞所事進盡忠言  
王嘉其大有裨益遂賜號尚書俾顯異於眾及分土  
其監與守丞 制封拜以公克本道軍民總管

洛邑閩河衝會政荒民耗困於兵賦轉輸不大更  
張之將無以為治即啓其利病之要者得廿四事率  
如請又奏免征西屯田軍士數百家歲負糧料及椒  
竹等課甚衆自是殿夷殫息日就安集之樂八年間  
規為保障率以身為律度至今人賴其惠至元二年  
調官制行授奉政大夫南京路治中徐宿大蝗移公  
督捕役農民數萬度其勢粹不能殲秋稼垂成即散  
遣收穫自秣不然棄道無餘或以不可諫曰救菑獲  
罪迺所甘心

朝廷以從權趨之尋授嘉議大夫衛輝路總管其治  
比洛愈精勵有方正官紀革更習杜私交審聽斷務  
以至誠感發期於實惠及民每庸調之下必經畫寘



便使民有餘力部內屯戍習豪橫賦民司莫如莫敢  
誰何公因事致詰落其機牙衆譁噪擁其長以來意  
在振觸公坐廳事上折之以理厲聲色略不相假貸  
為氣褫而退自是合境肅然奉教條惟謹後比干祠  
大起孔子廟暇則集諸生肄經史以教教本至風化  
大行吏民稱美刻石以頌之時憲臺初立首以材擢  
授山東東西道提刑按察使公意其責與志合踴厲  
英蕲擊豪右擒姦伏逆見臨決所至以神明稱貪墨  
者往往投劾而去泰惟其瞻有民勦百城之日平時  
底蘊雖略張設而倦倦  
朝廷之心不食寢忘嘗以三本陳事忠嘉剴切反覆  
論列至屢數千百大率

太子國本建立之際宜早中書政本責成之任宜為  
人材治本選舉之方宜審又群小流言干撓廢政恐  
習以成風私門萬惑於下公道孤立於上臣知承平  
吉祥之言必不出於若輩之口事雖不報士論常焉  
時機務多出尚書樞臣意欲獨當柄用乃以併中書  
設三公為言事下大臣 勅公預其議有說公宜審  
所向可致大用公不顧乃直言可否曰中書政本所  
係併尚書為一省便右丞相安僮位尊望重宜端揆  
如故三公虛位不須設置衆因以聞事遂寢斯皆  
國家大計人所持難公慨然吐論曾不少顧自是忠  
直之名聞於蓋代然不悅者衆矣 遺簽書中興行  
省事十三年改授南京路總管兼開封府尹屬吏憚

公方嚴有不安者仍諭之曰汝昔為顧今距吾以法  
繩之昔為妬今顏吾以禮遇之善惡自取吾何心其  
間衆悅躬耳邊事許蔡郊有劇盜號賊李三党結其  
衆軒頰囂嘯公然剽劫斃動兩河間及公未逸去  
以計捕獲即過殺之萬口稱快明年春進拜中奉大  
夫浙東道宣慰使時江左初下人情兢兢例賂道相  
尚公表以廉正濟以恩威遠懷迩又浙人忘亡其不  
貪毋擾之戒茲有驗矣福建平大軍俘溫台新附萬  
餘人而西公力為申援還民伍者什七八越校藥繼  
米幾萬斛掩為兵食驗籍復於舊行省下合筭商酷  
頗亟公建言兵後瘡痍未復宜停徵以示優卹遂檄  
公覆明台營田歸頓新昌直玉山寇出剽報至衆謂

可去曰吾守土臣義不當避去之民曷依依亮党突  
入衆寡不敵遂遇害實至元丁丑歲九月七日也得  
年五十有六靈輻抵越人士素服哭祭皆失聲願留  
塋起祠以奉嗚呼非守義不回惟忠及物安能感人  
心如是子夔請兵討復得首惡七人僇越州市次子  
臯扶其喪歸殯洛陽縣之北却原公剛明廉介博學  
有經濟材信道篤立志堅從政果於應變為尤長氣  
之所充雖百折不撓故處大事臨大節審量合義挺  
然力行要欲表表有所見於世而勢利可得奪耶其  
愛君憂國之忠出天性固然與人交有終始不可干  
以私官二千石三十年自奉猶寒士不知富貴為何  
物可謂甘貧若節不媿神明者也以用同能盡死非

其所計聞識與不識舉為愴惜之生平喜作詩詞必  
已出能道所欲言節齋其別號云曾祖懷妣范氏祖  
忠妣張氏世在野父諱子安性慈祥美丰儀易農而  
醫士辰際以其術多所全活陳氏之興豈其是邪用  
公貴封資德大夫妣張氏順德夫人賜錦衣各一襲  
公夫人翟氏以貞靜能安公貧子三人長曰夔武略  
將軍佩金虎符充某路行軍總管次曰臯讀書克家  
矯矯偕有父風次燕未名女三俱適士族孫八男女  
各四人卒事之明年孤子夔等喪服纒然百拜涕泗  
以墓碑為請因念公與不肯交素厚死生之際三入  
子夢皆有明徵豈非情契交感動於彼而應乎此然  
耶雖既挽而復謀其感於予心者固有所未盡今屬

筆未圖不朽以義以分其故以不敏辭謹按母弟知  
府天祥善狀勉為論次之銘曰

維天降材

昇我其治

其道伊何

曰忠與義

安而行之

匪功匪利

致君克虞

否乃予愧

不曰蓋臣

其將孰謂

堂堂陳公

元精貫中

貞亮之義

審諤之忠

以剛而順

以介而通

養我浩氣

塞乎昊穹

一朝遭際

奮從

雲龍

即事進諫

礪夫深衷

列二千石

敏焉赴功

以德以讓

凜兩漢風

擢登使車

攬轡而東

三年齊魯	一鶚橫空	治安陳書
袞職是縫	明我國本	如棟之隆
克旌預議	孰知雷同	屹然有立
破柱河衝	望公廟朝	帝載奮雷
持節江海	卒與禍逢	命也何言
其來則豐	哀哀嗣後	予職大供
臨江一慟	榆莢嘉克	憤雪九泉
與沒其躬	饜陶之墟	浚川落落
顧瞻佳城	祖禰是從	魂兮歸來
安此新宮	忠傳孝繼	有決其風
是維履父之表	過者敬恭	
大元故真定路兵馬都總管史公神道碑		

銘并序

雲雷合奮屯難伊始君子以經綸為艱操捨廓清恢  
我文治世臣以守成為重維史氏倡大義起營朔爰  
自都帥公仗鉞分閫來殺鎮方擴武略以濟屯角群  
雄而宣力取威定霸於是乎在繼以太尉留後二公  
薦忠貞昭嗣服治具繁張民物趨阜至於知垂創之  
惟難審守持之匪易躬念成規洞焉恐墜卒之承先  
志而推方岳之賢著治效而冠羣辟之列者總尹史  
公其選哉公諱楫字大濟世為大興永清縣農里大  
家曰成珪者公之曾大父行北京六部尚書曰秉直  
者公之大父金紫光祿大夫河北西路兵馬都元帥  
曰天倪者公皇考也初乙酉歲父金紫公遭罹仙難

時侯蓋雖稚資稟剛毅沉塞已能從叔父忠武公破走仙復真定衆謂臧孫遼其有後於魯矣及長不妄言笑善騎射博戲音樂略無所意開府公奇其好尚不凡令給事左右俾習知政務己亥歲奏授公知中山府事惟定武衝會務殷使輶營帳中外駭屑公指畫有方數年間民賴以安尋充征南行軍萬戶翼經略公徇地蘄黃間當戰攻殊力值阻之則預舍糗糈經營百至甘苦與衆共及還一卒無飢疲疾失所者丞相以公材果從政治兵皆所於可壬寅春引觀太宗皇帝奏曰臣先兄天隗死事際緣姪楫孺揖行其職今業克負荷請解所佩金虎符異之臣天澤備列戎行俾兄不失舊物臣之願也

上大加稱賞即授公真定路兵馬都總管莊政之初顧惟鎮府表山帶河連屬三十餘城生殺進退咸荷尚決一旦惴惴繼述有夙興夜寐謹身率先明政化信賞罰任良能汰貪墨勸農士惠鮮鰥寡庶爾絲輕而保障之功可立辛亥歲朝廷肇議賦額戶率徵白金一錢名曰包採銀諸路審其重莫敢倡言公毅然上請曰兵後生意未蘇民恐不堪如銀與物折各減二數庶民力少寬且無逋負乞其請詔為定制迄今天下賴焉各道發楮幣貿迂例不越境所司較固取息二三歲一更易致虛耗元胎商旅不通公騰奏

皇太后立銀鈔相權法度依昂而為重輕變澁滯而

為通便時又有言食有之醬請按籍計口椿散者業以從之公詣行臺論其不可曰鹽鐵本貿易物難同差稅一例配着今民資單弱是愈抵於困不若依舊便議遂寢嘗有寇行劫保之南鄙捕罔獲時檄所在如盜數償主公與保將賈會境上議強歸於我公弗辦徐曰盡付之第切發地的獎邑耕斲去其囊橐以絕後患何如賈培遂詘我免輸償錢數千緡元氏郭其姓者趨府僚屬於達官按脫既而賈無實達官怒欲抵郭死公力請釋之曰此人以重辟謀陷汝等何援為公曰矜之以懲後未若宥之死愧其心也况人命至重豈以妄言某等卒窮極裁我竟杖而遣之幸矣斷事官也里干脫火思來按本部性苛察意事凡

被劾者凌棘羅織莫有脫其殺者公能隱忍將順使虐熖斂熖不致濫及非辜害吾事而已其已籍沒者十數家公奏明其寃竟皆復業公之採時濟物民得受一分賜其不自顧籍類多此中統建元首授公真定路總管同判本道宣撫司事遂舉明州縣文學屬吏三十餘人後皆致通顯云三年齊叛平忠武公首奏兵民之職不可併居一門行之請自臣家始公即日解袂以職讓其弟江漢大都督權甫中私第裕如也遂選勝西郊築治亭園日以植花木玩泉石為佚老之計澤車款段徜徉游詠人不知為故侯失將也以至元九年二月邁源越廿日薨於正寢春秋五十有九某月日塋獲鹿縣明丘鄉安社里之西原公

之純正蒞官嚴恪親戚左右罔敢一語私於其間至若民情鬱而未宣時政舛而未便寢餓為不安思有更張而後已終其身無聲色逸靡之娛其奉上接物刻已自勵不一毫及民前後積貲至四百餘定弃官日方議易田宅以償

朝廷閤其廉為代輸焉故在官三十年間時和歲豐政平訟理鎮之士民輕裘緩帶鳴絲結纓嬉遊宴衍樂史氏之無事內則連甍接棟井肆夥繁河朔兵餘獨稱萬家之盛外則阡陌從橫耕桑弥望熙熙然為樂郊之民及蒼而報政崇獎聲實為諸道法且矣夫人三完顏氏北京路左副元帥某之女散竹氏金紫光祿大夫北京七路兵馬都元帥烏野兒長女蒲

散氏子男共廿人曰炫武德將軍常德府管軍總管曰燦早世曰煇奉訓大夫孟州知州曰燧朝列大夫東昌府同知曰熒曰煒卒曰炫煇曰炫燿關提舉曰燭然炎曰燭承直郎簽額南廣西道按察司事曰燭行省宣使曰燭煥炬斫炬炯女子一十三人俱適華族孫男廿三人長塔列赤武德將軍鄂州管軍千戶餘並幼女孫一十七人若子與孫服庭訓迪檢押略無紕綺驕豪之習飄纓若綬爛焉盈門詩云靖共尔位好是正直神之聽之介尔景福公誠有焉公薨之十年嗣子煇榮介公第征東經略使樞密御史中丞彬以神門之表來請某惟曩昔省郎公以民事許意有未安者憂形於色固已切嘆其有志於民及按部

燕南延見故老敬頌遺愛有不能忘者又知夫流風善政感人之深也如是輟第其門士李豹善狀而系之以銘其碑曰

繫農之務世服勤 正以篤實天為親  
史惟累葉耕而耘 一氣厚積生元臣  
惟元再傳彪其文 弱冠崛起乘風雲  
中天草昧殊未分 亦能當關收元勳  
豈其垂裕弥後昆 大忠遠掩謝家群  
是為明府皇考君 公今嗣封昔孤童  
已能馳射精絕倫 利器小試無輪囷  
堂堂大府恒山軍 一日作牧兩漢循  
於鏢叔武經且綸 大綱一舉萬目振

臺灣國家圖書館, NATIONAL CENTRAL LIBRARY, TAIWAN, R.O.C.

如何畫法參能遵 保民無踰家富殷  
獎去太甚輕絲銀 權臣按事何斤斤  
斂回煇艷照吾身 技灌良善晚已焚  
載其清靜民謐寧 丹砂成金頽化仁  
潭園水滿花氣薰 高牙大纛馳朱輪  
崇高有餘足具陳 公曾目覩耳弗聞  
公堂糲食坐日懸 念念民事憂絲棼  
絃歌萬家和氣繼 農夫不識城四闥  
桑麻蔽日原隰均 熙熙鎮土三十春  
歲時報政 帝乃訢 襄顯班上諸侯姻  
白頭一德酬國恩 用昭先功畫麒麟



惟真報果忠與純 慶流又見螽斯孫  
功成身退素所云 笑解留務遠世紛  
郊園花木清而芬 拂衣去作封山神  
空餘遺愛沾邦祇 甘棠懷思留淚存  
零落何必西州門 嗣侯追報圖不泯  
哀號固極悲秋旻 我銘騰芳舌可捫  
擬配大茂增雄尊 孝思永言世所敦

淇州創建故江淮都轉運使周府君祠堂  
碑銘

郡邑之設因形勝而稱望雄由變遷而有併置至于  
廢起千載之餘功垂百世之後俾存歿懷思感人心  
而不忘者非豪傑經濟之士未易致也朝歌殷故

西漢縣焉魏齊未移理衛縣河朔經途東出鉅橋  
陌而朝歌遂墟 天兵南下鉅橋正途亦廢自太行  
東接浚郊莽為林灌行者並山取捷躡跡於兗濼鹿  
町之間又分當相魏汲三會之郊盜賊囊橐其間日  
禦人為尋常邦君邑長頽目前不遑矣暇遠圖哉故  
羣行恣睢莫敢誰何者有幸於茲壬子秋

國家經略江淮擢行臺聽事官周侯克諸道轉運軍  
儲使仍置司於昨侯道出朝歌登鹿臺遺址顧瞻河  
山愛其沃壤且嘆夫梗阻若尔慨然懷辟易興除之  
舉乙卯歲公以事北覲圖利害上之

朝廷為開可 詔以彰德大名衛輝漏版戶五千實  
焉復其徵三年因易號曰淇州縣曰臨淇特

勅公領辦其事於是推賢擇能申令講治設官府建倉廩立市廛外則表疆理布丘聚開阡陌梁津夷險以便行路置淇與思德南陽薛村等鎮以間迥曠耕牛田器及飢貧不自存者一仰給於官下至取材於山陶甃於野率躬親規畫略無倦色西山鐵官鑿竈公出本資悉發其伏利自是四方流徙願受廛胥宇者日接踵而至商通工易貨委關閩餘糧畝棲烟火連薨鳴雞吠犬相聞和樂之氣達於四境侯復以既庶且逸無教可予遂建孔廟立學師教化基而厚薄俗不五載內外修治井井可觀邑居過客相與咨嗟嘆息曰曩以荒烟廢堞之墟化為樂郊樂國向也流逋傭耕之民今為恒產完美之室雖天休溥濡非

我公建白興造之力疇克臻此況而公薨於位子錯襲戒繼述先志有光於前者至元癸亥轉官副行州隸於衛著舊馬良等謀於衆曰公去世逾遠吾輩生理日完嗣侯又歷官他郡其間建本末邠翼深恩匪立祠樹碑奉祀光揚何以報盛德而圖不朽乃相率度治城乾方奠壇地廟而號之十三年秋適嗣侯自魏府別駕代歸良等邀過妹邠大合樂以落之相與請予文以紀其實走早辱公知敢以不敏碎念古之君子興事造功率忠愛持心無一毫功利自私克成碩大光明之業故民戴之如父母仰之如神明宜矣如公初以轉致之使興廢棄於荒殘因丘聚之成養流布於完實又未嘗占據膏腴營治己私為務誠可

謂持心忠愛豪傑經濟者矣致感人心存歿罔間耿  
耿不忘者如是據禮當祀在法宜銘公諱某字德甫  
晉之隍人孝弟忠信慷慨尚氣義蚤以材術振耀一  
時仕至江淮都轉運使其豐功碩德具載墓碑茲不  
復云今嗣侯自武德將軍升嘉議大夫佩金虎符淮  
東高郵軍總管銘曰

河山西戒殷故墟 自首土壤稱膏腴  
千年廢治灌莽區 殆侶淵藪蔽逃逋  
政以規畫無良圖 堂堂周侯烈丈夫  
一朝王門曳革裾 利馬思興害思除  
南來主漕過此都 顧嗟形勝資辭疆

忍

臺灣國家圖書館, NATIONAL CENTRAL LIBRARY, TAIWAN. F.O.C.

龍庭入奏為俞允 一詔能沛天恩濡  
郊圻中盡開井廬 連薨表植左右閭  
日中市集百貨俱 荒榛一旦為亭衢  
流民賴之彫瘵蘇 芳米又復三年租  
夫耕婦織園有蔬 桑無附枝麥西塗  
茫茫翠浪西山隅 昔馬銜口今龜餘  
我衣我食公所予 欲報之德父母且  
胡不均弘乘事樞 天奪之速為世吁  
公去雖遠愛豈殊 身後報謝當何如  
閔宮盤盤列綺疏 繪肖公像儼以居  
歲時豆籩民駿逸 曝牲在几酒在壺  
坎坎鼓擊吹笙竽 睇公風馬乘雲車

神兮歸來意恒愉

風時雨若蛇出道

醜妻滿篝屬鬼驅

我詩刻石誠匪諛

採之民謠與同符

大書特書不一書

太行礪方河帶紆

黃童白叟相携扶

猶有鹽淚沾龜趺

資德大夫中書右丞益津郝氏世德碑銘

有序

至元十七年中奉大夫叅知政事禎進拜資德大夫  
中書左丞被二品命服中外具瞻越郝氏惟熾公乃  
顧宗屬言曰自惟疎薄焉能致此茲蓋我祖考勤勞  
紫積篤祐餘澤集於後人乃克有濟今新墮辛建麗  
牲有石惟是大書顯刻表飭神道庶幾報明靈昭裔

昧而傳永世然非賴萬古達辭者其將伊託遂以銘  
章見囑以察惟故美不當辭謹條其族系世德祖  
禎之所以幼躬盡後資德之所以起宗顯親者迺綴  
之以銘詩維郝氏其先霸州益津縣人資德之曾諱  
贊少擢律科第授憲部檢法為人文無害以獄疑平  
允禎正隆末迂司理叅軍佐進發部歿兵間曾妣鄉  
進士王公之女德柔嘉有母儀祖諱誠長身秀鬚丰  
儀甚都早以義勇聞大定初獎死事子孫得叙用材  
武授衛軍鈐轄盧溝當國都西門水潦時至艱於航  
杠承安中大起石梁府君首膺選督役疇辦最功陞  
昭信校尉貞祐初燕不能都扈德陵南迂得疾卒官  
下享年六十有七祖妣同閨大家亦王氏姿淑貞事

舅姑孝謹生二子曰璿曰珂壽七十有八終珂早世  
藁場府君璿即資德之顯考也天性孝弟初鈐轄府君  
旣南徙靡所依藉奉母夫人走汴中涂困乏置母便  
所與珂索食陽間游兵遇偕駢之去敦武君泣請曰  
弟幼不任事又母所鍾愛幸免以視義縱珂還行復  
念珂終不能違將其母因跪而訴曰將軍以母故釋  
弟然母老酒璿可生且為人子不竭力於其親將安  
用為敢以死請遂伏馬首不動兵怒以佩刀刺之即  
仆地作死狀兵委去 護母與父會後用恩例調京  
城草場副使官至敦武校尉至元乙丑其同資德在  
東平史族幕獲升堂謁拜時敦武府君壽期頤氣貌  
魁偉其齊家勤儉有法若一官府然資德年向五十

佑封君列卿士長已貴朝夕溫清門內事必咨而後  
行府君晚樂道家言遵其禁忌以靜默自處其修葺  
如此明年春二月遘疾考卒齊氏寓館春秋八十有  
四資德扶柩歸塋真定縣西三里安上原之新阡夫  
人馬氏祔焉夫人出藁強腴族性貞烈主內務殊健  
生平樂於為善至絕葷酒不御每晨與炷香禱曰願  
聖人壽天下安妾家亦沾餘佑又月具饌食囚繫為  
常初資德為郡決曹歲壬寅有盜劫臨城石帥家以  
疑得免劉等十餘人繫之皆誣服上官趣論報夫人  
訪聞里間有稱其寃者歸語資德曰捶楚下何求而  
不得汝當盡心詳審恐及無辜資德亦方以職驗未  
白致詰及承教仍文移緩其事尋果獲真盜自是資

德於獄情愈恤慎後復全活張純楚等十餘輩由是而觀昔雋京兆母聞不疑於囚徒多所平反即言笑異常不然慘而不食以夫人教戒方之賢於人遠甚又近含有竇餅翁媪泔亾喪不克舉夫人鬻粧奩中物掩瘞迄成礼非出天性能然耶中統甲子歲正月十二日以疾化於私居之正寢享年七十有四子男一即資德公女一適尚書許公孫五人曰思仁謹慤克家次思義資温雅有幹局材官嘉議大夫諸路人匠府總管次思忠性果遠少中大夫同知真定路總管府事次思禮思敬重孫二女孫二竊嘗論古之人因陰積而獲顯報由仕宦而位公卿者多矣然非濟以材德則卿相之任有不克負荷者今郝氏連世孝

友純善罔侈厥報委積流衍介祉於資德公公廸傳德襲訓自微而著莫不材稱故能依光藉潤遂貳台輔是皆祖宗載基載播於前而公以材德肯構肯穫光大光揚於後故也今復援賜鼎敬鐘之例載德象容刻銘樂石垂示無忘可謂適追先業濟其世美者矣其詩曰

商啓期封

肇迹太原

因鄉定氏

郝姓乃蕃

晏相夔將

寔為商孫

逮晉中祀

族系枝分

散處朔南

異宗同源

處俊相唐

立朝直聞

義形于主

忠烈名存

維德繼顯

乃理之循

暨暨司法

奮跡益津

平讞庶獄	廷無寬民	毅然就列
債彼祇勤	於赫鈴轄	職司激巡
駕梁桑乾	萬石鱗鱗	神工雲傳
增秩疇勸	敦武超父	奉母南奔
中涂阨阻	孝義兩伸	施於閨壺
德馨輓帟	三世一致	封培善根
宜達而窒	端成後人	篤生賢孝
夔出人群	持衡機務	叶贊經綸
華軒駟馬	乃大千門	不有其美
推功本元	爰求式銘	載似其芬
我觀資德	才全德洵	仁以濟物
謙以持身	須彼陰積	蔚為名臣

隆隆新丘	萬象傍隣	表列華柱
石卧蒼麟	神維顯思	孰知蒿若
匪義奚立	非孝無親	移忠於上
岳裕後昆	恒岳之陽	潯池瀛淪
淵峙無極	永昭刻文	

秋澗先生大全文集卷第五十四

秋澗先生大全文集卷第五十五

碑

大元國趙州創建故開府儀同三司中書  
右丞相贈太尉忠武史公祠堂碑銘并序

自昔以功德而獲大任既歿而饗常祀者鮮矣况  
匹夫匹婦之心者哉如武侯卒而蜀人祭於梁  
去則魏土廟而食寥寥千載幾何人斯若太原郡趙  
相師表百辟名節獨著薨謝之日莖加 賜銘士  
無異議民有報祀而得衆心之同然者今於忠武史  
公見之公肇自

太宗朝襲世爵付以全趙四十  
而公宿兵陽夏歲例歸旆師每過趙遶遶而



秋澗先生大全文集卷第五十五

碑

大元國趙州創建故開府儀同三司中書  
右丞相贈太尉忠武史公祠堂碑銘并序

自昔以功德而獲大任既歿而饗常祀者鮮矣况  
匹夫匹婦之心者哉如武侯卒而蜀人祭於梁  
去則魏土廟而食寥寥千載幾何人斯若太原郡趙  
相師表百辟名節獨著薨謝之日莖加 賜銘士  
無異議民有報祀而得衆心之同然者今於忠武史  
公見之公肇自

太宗朝襲世爵付以全趙四十  
而公宿兵陽夏歲例歸旆師每過趙遶遶而

郡甫離兵燹經涂南北環視千里間  
生意公閱其如是必為察民情之  
賦役偏而不均獄訟寬而且滯  
即為彼有害於政也立與之  
輶之求索自貶威重告語約束  
輿除寬假之力又有大過人者  
白衣經會煽七縣間不逞  
蟻聚伺昧嘯亮約屠城資  
期竊發適公歸至郡有以  
之萌無亂之形處之為最  
趣其變公外示閑暇規黨魁所在  
不意掩捕獲焉之具服示所

告屬邑曰渠率已殲餘不一寃以安反側趙人遂安  
迨壬寅歲詔作丘甲時歲荒民移排抽戶推事竟  
惟不滿者三十教有司以狀白公曰業無所於取缺  
之以需可也守吏以軍興嚴惴惴不敢諾公曰以民  
困故非敢私脫有悞責我任不汝及也殆紀後乃如  
約不數年保障休息恒襄聞熙熙然一樂國也公薨  
後十五年前蘭溪薄郡人李瑛熹義重報貞而有幹  
為一日謂趙之父老曰吾儕小人樂有家室得至今  
日者可不知其所自斯皆忠武公恩造骨而肉之之  
德也終無以圖報將死有餘負惟是起祠奉祀庶疇  
萬一衆曰諾遂相與協力作新廟於郡城西里迨三  
載廟成神栖像設翼翼有嚴凡用錢三千七百餘緡

已而州貳政僭人賈英嘗屬器韞左右公覩其若尔  
感念疇昔日丕厥構則罔及迺以樹碑頌德為已任  
以某知公平生頗詳不千里遠請書其事於石某以  
下吏故有不敢多讓者因勉為次系之公諱某燕之  
永清人資忠亮謹畏以度量雄天下歷事四朝入則  
坐廟堂出則分閫寄者五十年當其臨大事決大議  
夷大難不動聲色卒之收尊主在民之功比天下  
所共知茲不復云顧惟治趙之績在公雖一事惟其  
恩造之功至故能感民心也深化強梗而為善良易  
慷慨而為忠厚以致其生也如父母戴之其沒則以  
神明事焉嗚呼休哉人稱至人不死以氣之精大賢  
不亡得氣之英公英真在上其眷戀於趙人也審矣

仍作歌詩遺之俾歲時度饗以侑有意椒漿之薦其

詞曰

常山鬱兮蒼蒼陣堂堂兮公則亡趙之封兮四開風  
雲慘兮漢故臺望公不來兮莫知我哀公精英兮弗  
昧山川開闔兮不隨以晦公不忘兮德在民思之在  
心兮其存則目存之目兮思則固廟而貌之兮其以  
故招公來格兮歆嚴禋颺冷飈兮雲旂紛愔光靈兮  
愈於生存福我兮孔那驅厲疫兮辟妖訛風時雨若  
兮歲時和民報祀兮心乎靡他坎坎擊鼓兮舞僊僊  
饗有肴烝兮登有歌麓碑岷嵯兮永言不磨

大元故懷遠大將軍萬戶唐公死事碑銘

并序

天下有醜戰之士拳勇絕人捐軀殉國雖一時之短  
其義烈言言超千人而挺生奮百世而獨存者誰乎  
南陽唐公其人也公諱琮世居內鄉縣淅川之白亭  
伯祖諱臯金季以御蒙署峽口鎮將父諱慶仕宋  
用邊功起身自保義郎京西副將累迁至左領軍上  
將軍諸軍統制歸附 皇元後終江淮軍民安撫使  
惟襄鄧自昔為用武地唐氏世鍾材武繼領鎗鈴剛  
毅奮發馳聲疆場祿山南名將家公軀幹魁傑而善  
於騎射黝色鷹視氣吐鐘鉉然擐甲橫槊出入行陣  
人愕而聳之至元十三年襲父爵授武略將軍管軍  
把明年丁丑轉武德復安撫使仍佩金符十六年  
勞績進階宣武授金虎符管軍總管十八年陞懷

遠大將軍萬夫長二十年改授唐州軍府萬戶二十  
五年移鎮衆道屯駐春陵時安南保蕞爾域負固  
聖上赫怒詔諸道兵以討之公到鎮甫二旬而檄至  
即閱教軍實申嚴節制明日大燕郡僚叙別或以期  
遠緩發為言公曰不可征討 國家重事忠勤臣子  
大節况吾家三世迭將迨不肖之身分符尚闡備具  
小牙

恩寵深厚思畢力遑陸以暢

天子威命則死之日猶生之年也尚敢以顧忌為計  
哉詰旦啓行旗旆精明鼓角清亮識者壯之遂會諸  
將屯靖海境谿嶺滿險艱於馳逐北兵不習地里與  
鱗介爭利於舟楫叢薄間已非所長加瘴癘流毒以

海颺騰炎吏士觸冒疾疫者過半躬自撫視左體右  
劑恩義憐至若父兄之於子弟致人人感激思奮島  
夷幸我師不利乘便突出逞獍肆凶次年己丑三月  
大戰於鹽場之三江口公率衆先入所向披靡賊兵  
衆開而復合者數四致麾下散失公力戰手刺數十  
人以沒得年四十有九訃聞部曲至刲股肉致祭  
朝廷為嗟惜之公天資雄峻沉鬱有將略號令精明  
拊循有素期於恩威兼濟當戰陣際奪勇憤敵不自  
顧藉有古烈士風概故所向克捷自筮仕不十年正  
位帥閩平居與人交氣怡詳溫謙恭惟謹未嘗以色  
待物人視之儒素也其死生義利胸中權衡素定決  
非奮不慮死微取美名者嗚呼忠義天下之大閑志

士仁人終始一致雖頑尚公不吾望也豈以暫不幸  
而墮吾名節哉王者推而褒之所以砥礪多士窒不  
軌也故周崇死政漢寵死事然皆有等級歟俱未若  
皇元即以父祖之爵祿異其子孫有崇無降其報卹  
激勸之典視前代為重公可謂得死所矣夫人李氏  
亦內卿大家資度純懿克饒公德孝以奉舅姑慈以  
勸幼稚生三子一女孟曰世忠仲曰世英季曰和尚  
孫二長靈重次保保世忠子也世忠嗣奉世爵往奠  
舊服追忠思孝固替其裘奉公衣冠塋襄陽穀城縣  
鳳谿鄉丙山先塋之次起祠墓前歲時享獻齋菽哀  
慰履念非假辭紀錄曷以垂鴻無窮倘得書太史氏  
則先業為不朽矣遂介秘書監丞申敬再拜來請某

以忠君孝親係風化所在有不獲辭者輒論列而係之以銘其辭曰

武當西來萬馬驤

漢水東注為滄浪

鳳谿之里殺百邪

盤盤沃野開荆襄

丙山衣冠唐所蔽

維茲唐侯百夫防

佩服義烈南方強

三世崛起參戎行

幢牙并纛金節煌

王常鐵石戎所將

維南有交伐用張

一軍來戍心靡違

萬甲夜卷趨敵場

桓桓不憚天戈攘

誓此一去批其亢

春陵宴訣何琅琅

山谿失勢臣分當

鼓鑼肆毒紛蜂螳

落落銅柱鷹孤揚

海霧翻禪靈三江

奄奄戰鼓聲則鏗

一憤不揀十夫僮

峻陘零亂劍有光

臣雖有賈甘自戕

一日之短百世長

恨以繼介易我裳

義存義亡臣節昌

勝負况復兵家常

郵典昭報恩澤滂

嗣侯孝思示不忘

葵而從祖享有堂

巫陽下招為悲傷

羈棲胡為滯此荒

魂兮歸來安故鄉

牲牲肥脂雜酒漿

部曲儼侍備兩廊

鼓鼓鏡鐸聲鏗鏘

子孫歲時供蒸嘗

銀鉤翠琰勒戎章

忠傳孝繼風大泱

陵迂谷變事叵量

英聲載世永不忘

順德路同知寶城董氏先德碑銘有序

至元十七年奉議大夫盧越監使司提舉董侯孝良  
以現辦功最陞授朝列大夫同知順德路總管府事  
自惟材疎能謫何以臻此茲蓋祖禰積德力行涇濡  
慶澤所從來遠矣惟是斷銘樂石光賁松梓燕克  
信適追仰報罔極迺介府幕陳從慶贊禮幣百拜  
先塋碑為請上詠之燕函以明新是任惟孝與義  
世大經今猥來屬筆有不當辭者謹按所具事狀董  
氏世居燕之武清縣南仁佛里金大定十二年改新  
倉鎮作縣故今為寶坻人曾祖以農為業代遠偶逸  
名端生三子曰永進曰仲仁曰藥昆仲既蕃孝愛日  
篤以資雄一節永進娶彭氏女實生寶溢府君端柔  
蓋侯之望考也府君行孝廉善居室一介不妄取與

諸人里中以善人稱之親嘗卧病治療罔効府君  
曰嘗聞人之肌肉可愈因瘞於是然割股肉雜它  
進之服之果良愈既而父日病幾於凝盲府君又以  
舌日舐其目無幾頓還舊觀邑里稱嘆以為孝感所  
致云嘗以事之保募行通衢間雙得白金一巨餅  
幣百餘緡詰旦持坐獲所候求訪者失主至物色  
不妄即付之至於牟子錢貧不克償者率折其券  
貸自是孝廉之名軒著燕保間當途者聞之以謂不  
苟於得可以臨財厲俗用薦徽充保定務商權次  
寶溢塢監支納益用心稱物極平施之方公私俱有  
賴焉至元十三年以疾考終牖下享年七十有八董  
氏其三代皆寔寶坻故塋至公始徙家武清之大

活遂改卜聚落之南京原是為武清新阡孺人蘇氏信  
都大家事舅姑主內務以孝婉聞生子男三人孝義  
孝溫孝良太君資藉訓迪納規矩中者居多故母儀  
婦道宗族取法焉今年九十有四起居飲啖精健如  
五六十人孝義有融德不樂仕宦二子長曰順管勾  
監場事次愛孫孝溫純謹有幹局充監使司判官三  
子和張鹽昌孫和任監當官和之子八十貫任孝良  
孝友純至幼習司空城旦書及長兼通國朝語嘗  
給事貴近以材果管勾三汊沽鹽官事至元十年秋  
大霖三汊被浸亭戶倒餓藉阻飢候致郵申明上官  
發廩米四千餘石侯乃計口均給民免菜色水退侯  
諮度原鹽終復為逸議少抽一推起土障場請於上

允焉明年水果至無所糶矣以能陞本場鹽司大使  
仍佩金符以寵異之先是歷年牢盆錢不計成鹽多  
寡即驗丁全給致本耗而課不充後復給與不時課  
不辦而卒日困侯白所司革焉遂驗亭戶煎數在官  
仍半給之復需其半運為足其所當付至曩之倚而  
未頌者仍皆為昇之至今遵行官卒兩稱其便十三  
年亭戶之哺無可於糶侯以蠶造孔棘恐軼歲辦出  
私鹽二百餘石粟食之未嘗更其費十四年用薦欽  
授宣命官奉訓大夫尋升奉議兼提舉蘆越鹽司  
事十七年以均幹有方程辦饒羨積前後勞迂授今  
我侯以民社重寄非財賦可擬宣力有加焉子三人  
長曰革中書省宣事次安住次海山錢哥初寶溢府



君刲股肉以致親和厥後府君泊太夫人蘇氏在疾  
子孝溢及侯與室劉氏亦踵而行之由是鄉里論萬  
孝者以董氏為稱首嗚呼孝者人子至行揚名顯親  
之大致也然代以孝名者非一若休徵之剖冰求鯉  
孟宗之泣林取筍李建進藥而病即廖盛彥慟哭而  
明復故令董氏之刺肌而愈親疾可謂情迫孝至殊  
途而同歸者也詩曰孝子不置永錫爾類其是之謂  
歟至履流胤裔移理於官且矣後之來者復能致竭  
兩聞以極忠厚孝廉之美將見董氏福祿淵流而未  
央也是宜銘銘曰

盛暨董氏

起家幽姪

繫曾祖君

是生三珠

孝廉溫潔

玉瑩不俞

我屋豐潤

尔馬德幼

維寶溢若

乃皇厥圖

一兼鴈俗

致身仕途

我幹我均

我摧我酷

人勉不足

我恢有餘

夫孝何居

曰父母且

病則致憂

已何暇虞

越惟親安

其樂愉愉

要以情至

同歸殊途

錫我胤類

德宜不孤

篤生賢孝

高大門閭

連城具瞻

有儼倅車

顯親揚名

實由懿模

適追圖報

於焉是需

爰峙豐碑

端首龜趺

巧我銘章

大書特書

幽陵蒼蒼

渾流徐徐

照映卿梓

永示德隅

故提刑按察審事劉公墓碑銘并序

奉議大夫提刑按察審事劉公既寔之明哉其子感然以追遠之志來諭曰孤不天先君勤弛王事期顯暨半道傾摧俾任重致遠之舉罔克攸盡在墓終菴之榮曾弗少及不孝之大無足言者惟是刻銘麗石表見墓道庶不朽而為新耀光幸憲使閩高人惟義嘗與公翱翔中書有聯事之雅以分以義有不敢為亡友新者謹按事狀公諱濟字巨川其先真定行唐人世在野大父公個悅尚氣為鄉曲所重考信方直有父風以植產致富心存樂施貞祐兵避地陳穎間散財濟衆人多傾赴正大末所在遊騎充兵令民團結相保衆推公元帥義兵都統已而沒於事

公信之家嗣也自總角姿嚴恪不知為兒嬉及長明吏事時趨人董琮者來領魏郡材公為即署府從事民政軍務多所裨益中統建號省府立權賢舉能以恢廓宏綱為並路辟公應選遂補省左曹掾四年間精覈吏務氣明而事弊然所期攸邈有不屑為者尋除歲上都糧料使會當估平致太庾京積已而充中書磨勘官真定郭文進者撫白首二人毒殺其父歲久莫決府以疑獄聞命公往讞既至按覆簿牘推察物情不終日而虛實兩判鎮人稱其明朝官嘉之至元七年勅授承直郎太原路總管府判官公不卑小官思以行志惠吾民為念府東有山曰罕山每歲澮秋泛害及閩坊公迺度原隰相水衝以事宜從上

官議可焉衆欣就役自山南抵汾壩鑿渠余十里以  
醜水勢自是漂沒患絕且澆滂田數百頃其興利除  
害類如是明年夏六月大旱步禱烈石龍祠應焉秋  
賴以熟九年陞授奉訓大夫知獻州事既下車囚繫  
填陞犴間公嘆曰盡心之戒當於焉是圖遂裁遣剖  
析凡五日牢戶為一空然後東更以法拊民以寬慮  
科調之不均也為等第之恐田疇之未治也為勸劬  
之新州治以其視瞻崇儒學以敦教本內外釐補井  
井有條其孝弟任卹之化風偃海濱矣迄今民思不  
忘秩滿憲司廉其能迂奉議大夫簽書燕南河北道  
提刑按察司事十六年四月竟以勤事致珠旣乃終  
於位享年六十有四夫大程氏魏大家配公德文稱

前四年卒即其歲九月廿九日附大名賢

由益里繁水之陰宅新兆也二千珪紀今珪亦官

直郎大名路總管府判官性純孝從政幹果玆歷管  
庫甚愿女三人伯適趙郡武氏仲從鄒氏季徐氏公  
資明辨遇事風生不肯陸陸一事落人後故所至卒  
有聲其孝義出天性固然初調并梁兵西援賑賑事  
集帳望南雲法焉興感曰母氏殯陳四十年不卽卒  
大事倘遠先朝露目其能瞑乎乃於介使告其所以  
然諾焉馳至陳求訪叢塚間罔知誰何因顛天行泣  
俄得劉叟者示其處下挿驗所誌物是夕寤寐中  
有以呵之者曰汝母何疑當收之速去卽是年冬十  
月歸葬行唐縣甘泉鄉七里烽之先塋禮也傳祿古

人行役云遠必思念其親以為孝養若公斯舉何思  
遑將其母哉又柳豪董君死空甕陶碑石卧荒壠間  
身後貧不克剝樹公按部過趙為求銘表墓以報知  
已其風義肖上世又如此是宜銘銘曰

古評吏治

匪循即能

循傳而列

能或染祿

時有緩急

事方責成

珮玉長裾

艱於奉承

維材應變

其任乃勝

用或異宜

跌焉不與

暨暨劉公

才長氣弘

小試游刃

銳於發矟

摧列節曹

風生臺閣

若不啻為

翻翻荷索

一甕出守

殆古能吏

錯節盤根

別夫利器

苟利吾氓

身弗遑暇

于今兩州

懷思無斁

維孝與義

為世儀軌

子箕而裘

已濟厥義

歸息泉扃

神亦寧止

五鹿之野

由益之里

沙麓茫茫

繁流滋滌

谷變陵迂

墓碑有龜

大部通州郭氏遷塋碑銘

并序

孝子之愛其親也心無乎不至其始也盡歡心以致  
其樂澹高爵以顯其宗又以安尊榮款其親以愜  
其志望及其終也擇善地敬真宅樹豐碑彰遺徽別  
為再祖俾享大宗不迂之祀越是心以為校者於尚  
書郭君見其純且至焉郭氏世為通州潞縣人曾祖

府君諱伯昌尚義有應劇才金季以勞授州之判官  
方四郊多壘仍歲飢荒賴公力全活者衆民刻惠里  
廟至今其石宛在金制官分嚴不敢絲髮侵上冰下  
辦惠鮮保障能尔其為人可知已大父諱和字和之  
資持重擇交而游經紀遠識殊與父肖貞祐初燕不  
能國遂避地徙河南公奉從母楊挈弟姪至復州鄉  
梓往返數千里間冒涉艱梗舉宗全慶竟不失舊物  
是亦人所難能郭氏之有今日其祥實開於此公少  
樂讀書長以吏業著稱且玄之與潞在昔為轉漕淵  
會見開習熟故公於綱計為詳士辰歲 詔立漕司  
於燕明年癸巳中書拈合公辟公為經歷官舊條新  
制兼舉而行居無幾何民力大紓而廩儲崇積會計

出納允當詳明官無私焉至今論漕運者皆以公為  
稱首

國朝丁未公春秋五十有九卒官下祖妣孫氏燕出  
之清門內助成家與公合德後公廿一年乙亥歲壽  
八十終生二子長諱天珪字君寶次天瑞晦德不仕  
棣華輝映樂怡怡也鄉里以善人歸之長即尚書君  
考秉德清慎直諫多聞以世美繼為漕幕從事為人  
樂易輕財好施雖指困解驂未嘗見難色樂從賢士  
夫游延致礼待惟恐不盡又通五行書叩之者推明  
倚伏率以戒辭為言斯亦知命君子者歟惜乎年不  
滿德仕未盡用至元改号夏四月廿九日以疾卒壽  
止四十有七子秀生纒十四歲夫人張氏燕之名家

女性貞靜靈儀有光漕司府君既歿夫人持內事甚嚴家道昌宜內外宗屬入門升堂不覺其母子之互為資也享年七十有四終所居正寢實至元廿九年壬辰秋八月八日也秀字秀實姿善淑少以孝聞交於友以誠移於官則理儀觀慰備臨事明敏有盼藉甫冠由總制院都事遷經歷官繼改都省左司員外郎尋就陞郎中已而授少中大夫禮部尚書今簽宣政院事君自惟起身刀筆不十年致位通顯德薄才菲將何以臻此茲非先世積善累慶光潛不耀一旦叢於不肯身者如此是用祇懼吳蒼罔極報德何從願惟長城先壙歷年鏡命封馬鬣傍無所取穴故祖考叔父而下三柩皆未克大塋言念藥傷芒刺負背

乃改卜宛平縣張華里之北原墨食吉用三十年春二月壬寅以三品儀物封而樹之燕幾無乎不在之心少有違焉既襄事百拜以墓碑來請幸由翰惠顧三讓求益懇予以孝子順孫顯揚慎追之義閩人倫風教者為最謹按善狀諾而銘諸銘曰  
慶由善先順為福原惟積也厚其流則淵譬彼播植用其道而分所宜其根苗華寔有不期然而然椅欽郭氏宗族婢媵繫長城之故壠不知其幾世幾年堂封索索拱木蒼蒼偏道涂而且隘無可穴而理必遷張華里西其平宛宛風水攸寧鬱焉新阡哀哀送終棺衾華鮮祭以大夫有加鼎鬯祔安神靈既厚且堅燕寔之下慰將寸之少安孰無子孫焜耀聯翩

念得之而能竭力讓春官之孝賢刻吾銘而表神道  
永以為郭氏無窮之傳

大元故中順大夫徽州路總管兼管內勸  
農事王公神道碑銘并序

工登極之二載詔以前泉州路總管中順王公作尹  
於徽州下而公已卒士論慨嘆惜其備具文武才未  
究於用也明年春正月嗣子謙持太史屬王德淵所  
撰善狀百拜來請銘自惟識公始用情交終以義合  
至元庚寅歲遊宦於歐閩後二年予入翰林公亦終  
更來燕玉堂多暇日夕遂將謂相得校夫三十年  
間會晤雖數在京師為寂洽公今已矣銘其墓宜莫  
予若公諱道字之問姓王氏其先為京兆終南縣人

世將家公姿魁偉勇而多力幼讀儒書長慕武事飛  
戩走檄尤翩翩也公既負器局挾藝能不肯碌碌居  
人後間出大言押闔時事及作為歌詩藻思甚壯激  
昂頓挫以驚動一世謂將相無種功名可度契致也  
然於時貴近終無所合至元更化以別民蠹清吏弊  
為亟公曰茲吾之時也迺走燕上書請置執法官如  
是則吏畏政肅澤被於下政化可得而成六年憲臺  
肇建遂辟充掾史公志在澄清一旦抱牘齟齬覓進  
論得失於簿領間耻於屑為纒數月即拂衣而去適  
朝家遠選文學士克東宮講書官用昭文賈公薦  
得入侍經筵進讀際辭理敷暢間以時務意在互有  
發明由是稔知為奇士進見顧盼與餘人異欲大用

而有需也十三年江左平福建內附蠻夷悍輕易恣以變蛇豕婪婪血人於牙何所靳顧非大行臺填之不足以制內而撫外也故即署官重其人方

裕宗皇帝叅聽朝政迺遷公充福建行省左右司郎中持柄用者專尚威猛不能導揚 恩信慰安遠人元事之悖理政之害民及私意之所宿者公皆執而不行至面折力諱必理得事正而後已如宦族趙知府元華六十三家閑居室閹誣與山賊通擬梃殺之意在籍沒掩利餘賫公抗言宋故官累 詔恩卹今以昧後一藥奴戮有湯 朝廷好生之德止杖八人餘悉縱遣降將吊眼陳據漳州叛賊勢張甚招討潘力不支踰城走泉行省以失守罪縛出將戮焉公曰

招討秩三品有罪當棄於 朝不可擅殺上官奴遣督將二人率甲士環公曰字不同者罪當相及公乃具朝服望 闕再拜曰看官不有 朝廷費我以兵欲將何為吾寧與潘同死字不可得也彼莫能屈潘竟滅元論其守正不屈類如此由是強橫氣褫善良攸賴閭閻至盡公像事之廿四年授中順大夫泉州路總管兼府尹泉據南海津會豪儈吏商假權貴聲勢日凌縣請索茶大府紀綱年取衆利公折以理拒以威輒落其機牙束手噤語而去公堂為肅然先時晉江之安溪土賊張大老方德龍嘯聚畬洞無賴二萬餘人時出搶掠為一方大患者幾三十年聞公至私相約束曰王老子來當謹避之勿輕出公為布



耳目設方略不月踰生擒賊酋廿三人悉榜殺泉市  
餘衆駭散百姓為之歌曰葉不瞑眼而疾祛非良醫  
而誰乎兵不血刃而賊除非智士而誰乎其為輿情  
感悅可知矣在任凡四載代歸鄉里以營治先塋樹  
植碑表為務屢供具召親友燕衍為樂若日不足者  
家人亦訝其適如許也元貞二年春二月十有二日  
以疾終私居正寢享年七十塋維州北海縣樂泉里  
金山原公強鳩有守臨事敢言胆氣噴薄無所回挽  
志在開布公誠砥礪名節表表有見於世孰謂勢利  
可得而奪邪至於櫛奸發伏不避持難又似夫漢王  
尊之在東郡虞翻之治朝歌也奮身布衣起家至二  
十石剛直之氣至老不衰其功業止斯而已此士論

所痛惜也遠祖金初以武功賜完顏氏世襲千戶官  
至金吾衛上將軍曾祖諱虞卿大父諱從政歷陞州  
太守父諱成皆嗣承世爵金亡復故姓仕

國朝任樂安縣令國家為今為黃固人公先娶孫氏  
生子謙夫人年廿八卒繼室羅氏亦先公卒生二子  
曰諒曰惠謙幼侍 東宮才敏有時譽能政克家蔚  
有父風令官奉訓大夫大司農少卿男孫四人謙之  
子三曰元孫仲孫季孫諒之子一曰彥孫公平生著  
述號雲門老人集殆千餘篇傳於家銘曰

繫王使君起海堞妙齡飛英振孤鶩陳琳書檄何翻  
翻一箭擬下聊城堅心惟嫉惡民瘼蠲驅逐烏雀同  
鷹鷂一行作吏非所便褻惟有志澄八埏封書直上